

Sepheeo sa ho e senola

Ho lumela ho Molimo oa 'Nete A Inoosi

“Me molimo oa lona ke Molimo A Inoosi. Ha ho molimo ntle le Eena, Ea Mosa Ea Mohau.” Kor'ane 2:163

Taba ea bohlokoa ka ho fetisisa e ngotsoeng kahar'a Kor'ane ke ho lumela ho Molimo A le Mong, Oa 'Nete. Molimo O re bolella hore ha Ana molekane, ha Ana mora, ha ho ea ts'oanang le Eena le hore ha ho mang kapa mang ea lokeloang ke ho rapeloa ntle le Eena. Ha ho letho le ka ts'oants'oang le Molimo le hore ha ho letho la 'mopo oa Hae le ka lekangoang le Eena. Kor'ane e hanyetsana le taba ea ho fa Molimo boleng ba botho le tekanyetso (ho etsa joalokaha eka Molimo ke motho).

Ho furalla melingoana eohle ea bohata

“Le rapele Molimo le se Mo kopanye le letho borapeling ba Hae”. Kor'ane 4:36

Joalokaha Allah ele Eena A le Mong feela Ea lokeloang ke ho khumameloa, melimo ea bohata le melingoana e tlameha ho furalloa. Kor'ane e boela e hanyetsa taba ea hore boleng ba bomolimo bo ka fumanoa ho mang kapa mang, eng kapa eng kantle ho Molimo.

Ho hlalosa lipale tsa khale

Kor'ane e kentse lithuto tsa bohlokoa tse ngata, tse kenyelletsang lipale tsa 'nete tsa Baporofeta ba pele joaloka Atama, Nooe, Abrahama, Jesu le Moshe. Ka lipale tsena Allah O re: “Kannete lipaleng tsa bona, hona le thuto e loketseng banna ba litsebo.” Kor'ane 12:111

Ho re hopotsa Letsatsi la Kahlolo

Buka ena e halalelang e re hopotsa hore batho bohle ba tla latsoa lefu 'me ba tla nehoa boikarabello ka liketso le lipolelo tsa bona: “Re tla beha sekala sa toka sebakeng sa Letsatsi la Kahlolo, hore ho se be le motho ea tla hlokeloa toka le ha nyane...” Kor'ane 21:47

Ho phethahatsa sepheeo sa tsela ea bophelo

Se molemo, ke hore Kor'ane e ruta hore sepheeo sa bophelo ke ho rapela Molimo feela, le ho phela bophelo ho latela tsela eo A faneng ka eona. Islamong borapeli ke lentsoe le kenyelletsang liketso le lipuo tsohle tseo Allah A li ratang A bile A khotsofetse ke tsona. 'Me ka hona, hoo e le ho phethahatsa litaelo tsa Allah, Lemoseleme le rapela Molimo le ho phethahatsa sepheeo sa lona sa bophelo. Tse latelang ke mehlala ea borapeli ho tsoa Kor'aneng:

Ho rapela: “Oho lona ba lumelang! Inamang le khumame le rapele Morena oa lona, hore le tsebe ho atleha.” Kor'ane 22:77

Ho fana ka liphallelo: “...Le fane ka lithuso molemong oa lona; 'me bohle ba pholositsoeng khahlanong le meharo ea bona, ke ba atlehileng haholo.” Qur'an 64:16

Ho ba le 'nete: “Le se koaele 'Nete ka leshano kapa ho pata 'nete ha le e tseba (le se sirelletsane ka ho iphanyetsa 'nete).” Kor'ane 2:42

Ho itlhompha: “E re ho banna ba lumelang ba lokela ho liea mahlo a bona (ha ba teana le basali) 'me ba itlhomphe (ba qobe bohlola). U be u re ho basali ba lumelang ba lokela ho liea mahlo a bona ba itlhomphe.” Kor'ane 24:30-31

Ho ba le teboho: “Me Allah O le tlisitse ho tsoa lipopelong tsa bo 'malona, le sa tsebe letho, A lefa kutlo, pono le lipelo hore le tsebe ho leboha.” Kor'ane 16:78

Ho aba toka: “Oho lona ba lumelang! Emang ka tieo sebakeng sa toka, le le lipaki ho Molimo, leha ekaba khahlanong le lona ka kotloloho kapa batsoali ba lona kapa bana ba bo lona ba letsoele kapa e kaba khahlanong le morui kapa mofutsana...” Kor'ane 4:135

Ho ba le mamello: “Ebang le mamello, kaha kannete, Allah Ha A rate ha ba etsang ka ho loka ba lahlehelo ke moputso oa bona.” Kor'ane 11:115

Ho etsa botle: “Allah O ts'episitse ba lumelang ebile ba sebetsa ka ho loka ts'oarello le moputso o moholo .” Kor'ane 5:9

Qetello

Ho akaretsa, Kor'ane e ruta motho hore na a rapele Molimo A le Mong Oa 'Nete joang, a bile a ntse a phetha sepheeo sa 'nete sa bophelo 'me a fumana katleho bophelong ba lefats'e lena le le tlang. “Ruri, Re rometse ho uena (Oho Muhammad) buka sebakeng sa batho ka 'nete. Joale mang le mang ea amohelang tataiso, ke molemong oa hae; 'me ea khelohang, o khelohela tahlehong ea hae.”

Ha u bone u ikolota ho bala buka e e hlonephehang? Sebakeng sa tlhakisetso letsetsa kapa kopana le Tsie Abdullah Sesinyi; ho u tataisetsa kutloisisong ea eona.

Sebakeng sa tlhakisetso le lintlha tsohle ka libuka tsa tumelo ea Islamo

Mohala (+266) 56231487

www.islamic-invitation.org

tsie71@gmail.com

Sebakeng sa linyehelo:

M-Pesa 56231487

Ecocash 63047505

Facebook: Abu Muammar Abdullah S

WhatsApp: +266 56231487

Kor'ane

Ts'enolo Ea Ho Qetela Ho Batho



Ithute lintlha tsa bohlokoa

www.islamic-invitation.com

Kor'ane ke eng?

Lentsoe la Molimo

Kor'ane ke lentsoe la Molimo hantle, Ea Matla Ohle (Allah ka leleme la Searabo), e senotsoe ho Moporofeta Muhammad (khotso ebe le eena) ka ts'ebeliso ea Lengeloi Khabariele.

"Ts'enolo ea Buka e tsoa ho Allah, Ea Matla Ohle, Ea Bohlale ka Ho Fetisisa." Kor'ane 39:1

Tataiso ho batho

"Tataiso ho batho... ebile ele eona e rutang tlhalohanyo (pakeng tsa botle le bobo)." Kor'ane 2:185 E fana ka tsela ho thusa motho ho etsa qeto e nepahetseng ea ho hlalohanya lipakeng tsa botle le bobo, 'me kantle le eona motho a ka be a lahlehile.

Ts'enolo ea ho qetela

Kor'ane ke buka ea ho qetela e senotsoeng ke Allah Ea Matla Ohle (Molimo), e le ho tiisa 'nete e fokolang e ntseng e setse kahar'a libuka tsa pele ho eona le ho shanofatsa 'moho le ho lokisa liphoso le boiqapelo le lintho tse ekelitsoeng kahar'a libuka tseo ho thoeng li qotsuoe bukeng tsa pele.

"Oho lona ba filoeng Libuka! Lumelang ho seo Re se senotseng se lumellanang le seo le nang le sona..." Kor'ane 4:47

Kor'ane e senotsoe joang?

Kor'ane e ile ea senoleloa Muhammad (khotso ebe le eena) 'me e fumaneha ka leleme leo e senotsoeng ka lona eleng la Searabo. Le ha ho le joalo, tlhaloso ea eona e fumaneha ka maleme a 'maloa lefats'eng.

Kor'ane ha e ea romeloa lefats'eng e le buka e felletseng ka nako ele 'ngoe; empa che, ts'enolo ea eona e tllile ka likarolano ka nako ea lilemo tse 23.

Ka lebaka lena, ho bohlokoa ho utloisisa hore na litemana li tllile joang ka tlasa maemo a fe, hore u tsebe ho utloisisa Kor'ane; kantle ho moo, lithuto tsa eona li ne li ke ke tsa utloisiseha.

Ke tseba joang hore e tsoa ho Molimo?

Ho bolokeha

Kor'ane ke eona feela buka ea selumeli e bileng kahare ho batho nako e telele ka ho fetisisa ebile e ntse ele maemong a eona a nako eo eneng e senoloa. Ha ho letho le ekelitsoeng, fokolitsoeng kapa ho ntlafatsoa ho tsoa ho eona, esale e senoloa ka lilemo tse fetang 1400 tse fetileng.

Kor'ane ha e ea bolokoa feela ka mongolo empa kahar'a lipelo tsa banna, bana le basali. Kajeno, batho ba limilione ba e bolokile ka lihloohong tsa bona ho tloha temaneng ea pele ho ea filha ho ea ho qetela.

"Re rometse Molaetsa, 'me ntle le khoao Re tla o sireletsa (khahlanong le ho fetolola ke batho)." Kor'ane 15:09

Mehlolo ea bo ramahlale

Kor'ane ha e loants'ane le mahlale a sejoale-joale empa ho fapana le moo, e ea e ts'ehetsa. E 'ngoe ea likarolo tse makatsang mabapi le Kor'ane ke hore e na le litemana tse ngata tse hlalosing hantle ketsahalo tsa tlholeho libakeng tse fapaneng tse joaloka lithuto tsa popeho ea motho kapa phoofolo ka popelong (embryology), bolepi, thuto ea lihloliloeng (geology) le bophelo ba ka leoatleng. Boramahlale ba fumane hore lithaloso tsa eona li ea makatsa kaha li nepahetse hantle kamoo ba ntseng ba fumana nakong ena haholo ho latela hore ke buka ea lilemong tsa bomongoaha-kholo oa bosupa eleng lilemo tse ka holimo ho sekete le makholo a mane a fetileng.

Ebile, mehlolo e mengata ea mahlale e boletsoeng kahar'a Kor'ane e sa tsoa fumanoa haufinyana ka thuso ea lisebelisuo tsa mahlale tse tsoetseng pele tsa sejoale-joale. Lekola tse latelang:

"Re tla ba bonts'a mats'oao a rona Tlhohong le kahare ho bona; ho fihlela ba hlaketsoe hore sena ke sona seo eleng 'Nete.'" Kor'ane 41:53

- Kor'ane e fana ka tlhaloso e hlakileng e tebileng ea popeho ea ngoana ka mpeng le methati e e latelang ho fihlela ngoana a hlaile. Litlhaloso tsena li ne li sa tsebahale ho boramahlale ho fihlela haufinyane tjena.
- Kor'ane e hlalosa hore lintho tsa sepakapakeng (joaloka linaledi, mafats'e, khoeli le tse ling) li ile tsa bopeha ho tsoa ho maru a lerole. Eneng e sa tsebahale mehleng eo, ntlha ena e se e fetohile leano le amohelhileng la thuto ea tlhaho ea boka hohle (cosmology).

- Mahlale a sejoale-joale a sibollotse hore mabota a teng lipakeng tsa moo maoatle a mabeli a kopanang (joaloka Cape Point) a lumellang hore metsi a leoatle le leng le le leng a boloke maemo a mochoso, botebo le tatso (letsoai) ea ona.
- Mats'oao ana a Molimo a hlalositsoe ka ho hlaka ka Kor'aneng lilemong tse fetang 1400 tse fetileng

Hokhetholoha

"Haeba le na le khoao ka se re se senoletseng Mohlanka oa Rona, ke hore le etse khaolo e ts'oanang le sona 'me le bitse lipaki tsa lona ntle le Molimo haeba le na le 'nete.'" Kor'an 2:23

Haesale e senoloa, ha ho motho le a mong ea atlehileng ho etsa leha e le khaolo e le 'ngoe e ts'oanang le Kor'ane ka botle ba eona, bokhabane ba puo, bohlale, boporofeta le lits'obotsi tse ling tse phethahetseng.

Batho ba neng ba latola Moporofeta (Khotso ebe le eena) ba ile ba hloleha ho nka monyetla onono, leha ba ne ba le matla ba tebile ka tsebo ea puo ea Kor'ane. 'Me sena ha se so fumane karabo ho fihlela ka lena letsatsi.

Ha ho toants'ano ea litemana

Ha batho ba ngola, ba lokela ho etsa liphoso tse kang ho fosahala ho mongolo, tsela eo mantsoe kapa lipolelo li sebelisitsoeng, litemana tse loants'anang, mabaka a fosahatseng, lintlha tse sa fellang le liphoso tse ngata tse fapaneng. Kor'ane ha e loants'ane ka tsela efe kapa efe – ekabang ka tlhaloso ea lintho tsa mahlale (science) tse kang phetho-phethoho ea metsi, popeho ea leseka ka popelong, boemo ba litaba tsa bolepi le tsa meaho; lintlha tsa bohlokoa tsa nalane kapa boporofeta.

"...Hoja ene e tsoa ho emong ntle le ho Molimo, ba ne batla fumana liphoso tse ngata ho eona (Kor'ane)." Kor'ane 4:82

Na ho ke ke hoa etsahala hore ebe ke Muhammad a e ngotseng?

"Kor'ane ena e hlakile hore ene e ke ke ea senoloa ke mang kapa mang ntle le Molimo." Kor'ane 10:37

Moporofeta Muhammad (Khotso ebe le eena) o tsebahala hantle ho tsoa nalaneng hore o ne a sa ruteha; o ne a sa tsebe ho bala le ho ngola. O ne a sa ruteha ho lefapha le fe kapa le fe la thuto le neng le ka etsa hore lintho tsohle tse fumanoang ke batho ba mahlale (Scientists) kapa ba nalane ebe o ngotse ka tsona ka tsela e hlakileng e nepahetseng tjena, etsoe le tsela eo li ngotsoeng ka eona bukeng ena. Ho nepahala ha litlaleho tsa nalane ea batho ba pele le tsoelo-pele, e boletsoeng kahar'a Kor'ane e khohlo haholo hore eka be e ngotsoe ke motho feela tjena.